

Morning Dogri (NSD) National News Bulletin 04-03-2025

आकाशवाणी

1. प्रधानमंत्री नरेन्द्र मोदी होर एमएसएमई बारे बजट मगरा होने आले 3 वैबीनार च शिरकत करगंन।
2. केन्द्री मंत्री डॉ. जितेन्द्र सिंह होरें आखेआ जे भारत दे शोध ते विकास क्षेत्र च पिछले 1 दहाके थमां दोगुणा खर्च कीता जा'रदा ऐ।
3. विदेश मंत्री डॉ. एस.जयशंकर होर बरतानिया ते आयरलैंड दे 6 रोजा दौरे लेई जा'रदे न।
4. अमरीका दे राष्ट्रपति डोनाल्ड ट्रंप होरें यूक्रेन गी दित्ती जा'रदी अमरीकी मदाद मुअत्तल करी दित्ती ऐ ते आखेआ जे ओहदा ध्यान जेलंसकी हुंदे कन्नै तनोतनी दी थाहर शांति स्थापत करने उप्पर ऐ।
5. मौसम विभाग नै पच्छमी हिमालय क्षेत्रें च बरखा ते बर्फबारी जदके जम्मू कश्मीर ते हिमाचल प्रदेश च गरत दे कन्नै बरखा होने दी संभावना जताई ऐ।
6. आईसीसी चैंपियन्स ट्राफी दे पैहले सैमीफाइनल च अज्ज भारत दा मकाबला आस्ट्रेलिया कन्नै दुबई च होग।

<><><><><><>

PM Post Budget

प्रधानमंत्री नरेन्द्र मोदी होर वीडियो कांफ्रेंसिंग राएं बजट मगरा आले वैबीनार च हिस्सा लेंगन। एह वैबीनार लौहके, भलेआ लौहके ते दरमयाने दर्जे दे उद्यमें एमएसएमई गी विकास, विनिर्माण ते निर्यात दे क्षेत्र च प्रमुखता देने दे कन्नै परमाणू ऊर्जा मिशन, नियामक, निवेश ते बपार गी सखल्ला बनाने आस्तै सुधारें दे इंजन दे तौरा पर आयोजित कीते जा'रदे न। साढ़े संवाददाता दी रिपोर्ट मूजब वैबिनार सरकारी अधिकाकरिएं, कारोबारी नेताएं ते बपार दे माहिरें गी भारत दी औ?ेगिक बपार ते ऊर्जा रणनीतिएं पर बचार बमर्श करने आस्तै इक सैहयोगी मंच प्रदान करोग। निजी क्षेत्र दे माहिर, उद्योग प्रतिनिधि ते विषय पस्तु माहिर बी वैबीनार च हिस्सा लेंगन।

<><><><><><>

Dr. Jatinder Singh

केन्द्री मंत्री डॉ. जितेन्द्र सिंह होरें आखेआ जे मुल्खे दे शोध ते विकास क्षेत्र च पिछले इक दहाके थमां दोगुणा खर्च कीता जा'रदा ऐ जेहड़ा 2013-14 च 60 जहार करोड़ रपे थमां बधिऐ हुन 1 लख 27 27 जहार करोड़ रपे तोड़ी पुज्जी गेआ ऐ। नमीं दिल्ली च कल दिशा प्रोग्राम च बोलदे होई डॉ. सिंह होरें आखेआ जे दिशा प्रोग्राम कन्नै मुल्खे दी जन अर्थबवस्था च बाद्धा होग ते आत्मनिभैर भारत होर मजबूत होग। केन्द्र मंत्री होरें नमिणं काहडें ते बंत बपार च मुल्खै गी विश्व लीडर बनाने सरबंधी सरकार दी नीति बारे बी दस्सेआ दसाया।

<><><><><><><>

Jaishankar Britain

विदेश मंत्री डॉ. सुब्रह्मण्यतम जयशंकर कल सोयां ब्रिटेन ते आयरलैंड दी आधिकारिक यात्रा पर जा'रदे न। विदेश मंत्रालय मूजब, भारत ते ब्रिटेन बशकार व्यापक रणनीतिक साझेदारी ऐ। दोनें मुल्खें बशकार रक्षा, सुरक्षा, व्यापार, अर्थव्यवस्था, स्वास्थ्य, शिक्षा ते आपसी सरबंधें सनें बक्ख बक्ख क्षेत्रें च दपक्खी सरबंध भी मजबूत न। यात्रा दौरान, डॉ. जयशंकर ब्रिटेन दे विदेश सचिव डेविड लैमी हुन्दे कन्नै चर्चा करडन ते केई मन्ने परमन्ने दे लोकें कन्ने मलाटी करडन। आयरलैंड दे दो दिन दे दौरे दौरान डॉ. जयशंकर, आयरलैंड दे विदेश मंत्री साइमन हैरिस तें होरनें दुणं कन्ने मलाटी करडन। उत्थे ओह भारतीय समुदाय दे लोकें कन्ने बी मलाटी करडन। भारत ते आयरलैंड बशकार साझे लोकतांत्रिक मूल्यें, सांस्कृतिक संबंधें ते बददी आर्थिक हिस्सेदारी दे आधार पर मैत्रीपूर्ण दपक्खी सरबंध न।

<><><><><><><>

USA

अमरीका दे राष्ट्रपति डोनाल्ड ट्रंप होरें यूक्रेन गी दित्ते जाने आली अमरीकी मदाद मुअत्तल करी दित्ती ऐ। व्हाईट हाउस दे इक अधिकारी नै पत्रकारें गी दस्सेआ जे राष्ट्रपति ट्रंप होरें साफ करी दित्ता ऐ जे अमरीका दा पूरा धसान शांति उप्पर ऐ ते ओह अपने भ्याल मुल्खें कोला बी इयो वचनबद्धता दी मंशा रखदा ऐ। रिपोर्टें मूजब अधिकारी नै आखेआ जे अमरीका यूक्रेन गी दित्ते जाने आली मदाद गी मुअत्तल करा'रदा ऐ ते इस गल्ला दा जायजा लै'रदा ऐ जे ओ कुसा समाधान च योगदान देआ'रदा ऐ। एहदे मगरा मेद ऐ जे यूक्रेन उप्पर रूस दे

<><><><><><>

EC-Maharashtra

निर्वाचन आयोग नै महाराष्ट्र विधान परिषद दी 5 सीटें पर होने आले उप-चुनां आस्तै चुनां कार्यक्रम घोषत करी दित्ता ऐ। विधान परिषद दे सदस्यें दे राज्य विधानसभा च निर्वाचित होई जाने करी एह 5 सीटां खाली होई गेइयां हियां। चुनां दी अधिसूचना इस्सै म्हीने दी 10 तरीक गी कीती जाग। नामांकन भरने दी खीरी तरीक 17 मार्च होग।उ वोट 27 मार्च गी पाए जांगन ते गिनतरी बी उस्सै रोज होग।

<><><><><><>

PM-NAMO

प्रधानमंत्री नरेन्द्र मोदी होरें नागरिकें थमां नमो ऐप ओपन फोरम पर होर मती प्रेरक जीवन यात्रा सांझा करने दा आग्रह कीता। सोशल मीडिया पोस्ट च मोदी होरें दस्सेआ जे नमो ऐप पर सांझा कीती गेदी प्रेरक यात्राएं चा किश महिलाएं गी 8 मार्च गी महिला दिवस पर प्रधानमंत्री हुंदे डिजीटल सोशल मीडिया अकाउंट्स दा संचालन करने आस्तै चुनेआ जाग।

<><><><><><>

ICC-Trophy

आईसीसी ट्राफी दे पैहले सैमीफाइनल च अज्ज भारत दा मकाबला आस्ट्रेलिया कन्नै दुबई च होग। एह मैच भारतीय समें मताबक दपैहरी ढाई बजे होग। भारत सारे त्रै मैच जित्तिथै ग्रुप-ए च शीर्ष पर ऐ। दूर्ई भेठा न्यूजीलैंड ग्रुप-बी दे विजेता दक्खन अफ्रीका कन्नै दूआ सैमीफाइनल लाहोर च खेडोग। एह मैच कल होग। इस प्रतियोगिता दा फाइनल मैच ऐतवार गी खेड्डेआ जाग।

<><><><><><>